

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs IV. Vtrum Angelus creatus suam beatitudinem meruerit. artic. 4.

[urn:nbn:de:hbz:466:1-73915](#)

sius in eo manet, est manifestum. Licet enim Deus
creaturas libero arbitrio præditas non considerit
cum ultimo fine, tum quod exercere prius eas vel-
let, & quasi periculum de eis facere: tum etiā quod
honorificentius multò illis est propter meritis ad
eum peruenire: concedens fuit, ut cum omnibus
mediis, ad eum finem propriis operibus promerendu-
m, necessariis eas considerit: gratia autem non
est finis virtutis, sed medium ad eum, atque ad pro-
prium meritum necessarium.

Ad primum argumentum in contrarium dicen-
dum est, antecedens solum esse verum de creatura,
qua per peccatum amissi iustitiam & gratiam, de-
bètque de statu peccati transire ad statum iustitiae:
concedens nāque est, vt plus Deus ab eo exigat, qui
*per peccatum iustitiam amissi, quam ab eo, qui num-
quam illam demeruit: & plus ab eo exigat, qui per*
proprium actum, quam ab eo qui per alienum eam
*amisit. Vnde aequissimè constituit Deus, vt qui pec-
cando per proprium actum liberi arbitrij nostri, aut*

primi parentis, ab eo recessimus, cooperando per
proprium actum, Deo ipso adiuuante, aut certè per
*actum alterius, quis sacramentum applicet, quo pa-
cto pueri ante vñum rationis iustificantur, ad eum*
*redeamus. Quamvis enim Deus eas tabulas dolaue-
rit & aptauerit, in quibus ante peccatum filiorum*
Irae legem scripsit: eas tamen, in quibus secundò
*legem cōscriptis, prioribus ob populi scelus à Moy-
se confractis, dolatas iam & aptatas sibi tradi iussit,*
plus aliquid post peccatum ab hominibus exigens,
ve illud idem beneficium conferret.

Quoniamdam
sententia de
dispositione
Angelorum
ad primam
gratiam.

Sunt qui velint, primam gratiam collatam An-
gelis in instanti, in quo sunt conditi, non fuisse illis
collatam sine propria dispositione eorum per suum
liberi arbitrium, imò pro qualitate dispositionis
cuiusque plus vel minus gratie fuisse illis collatum:
non secus ac nobis adulisti, dum à peccato resurgimus,
confertur prima gratia prævia nostra disposi-
tionis per nostrum liberum arbitrium, & pro quanti-
tate, & qualitate dispositionis. Addunt hi autores,
actum quo tam nos, dum à peccato resurgimus, ad
primam gratiam ultimò disponimur, quam Angeli
in primo instanti ad primam gratiam seipso dispo-
suerunt, emanare efficienter ab ipsa gratia, atque
ad eò esse posteriorem illa in genere causæ efficien-
tis: esse vero priorem illa in genere causæ materia-
lis, & dispositivæ.

Angeli sine
vila prævia
dispositione
gratia fuisse
collatum.

Longè probabilius existimo Angelos sine vila
prævia sua dispositione gratia acceperisse, idque probat
ratio D. Thomæ hoc loco, & reliqua quæ dicta
sunt, neque contrarium docet articulo sequenti, ut
ibi dicimus: Non dubito etiam dispositionem ultimam
nostram ad primam gratiam non emanare effi-
cienter à prima gratia, quatenus est dispositio, sed
per auxilia alia particularia adiuuari liberum arbitrium
nostrum, vt se disponat ad primam gratiam,
vt in Concordia quæst. 14. artic. 13. disputat. 44.
ostensum est.

Ad secundum.

Ad secundum neganda est sequela: ordō enim, si-
nisque naturalis, ad quem Angeli conditi sunt, po-
stulat, vt infundantur eis species, vt quæst. 15. art. 2.
explicatum est, & idè sunt eis naturales ista verò
nec naturalis ordo, nec finis naturalis postulat, vt
eis infundatur gratia, quæ ad finem supernatura-
lem conducit.

Ad tertium.

Ad tertium dicendum est, sensum illorum ver-
borum esse, nequissime illam habere, postquam eam
amisit: quia non est ei datus locus penitentia. Vel
certè nequissime habere caritatem consummatam
perseuerantem vsque ad terminum viæ, quam

A homines in terra tenent.

Ad quartum dicendum est, apertissimè Grego-
rium eo loco docere, Luciferum creatum esse in-
gratia, vt ex aliis, quæ ex eodem Gregorio eo loco
retulimus, est manifestum. Quod autem illis verbis
tradit, hoc sensu accipi debet: iuxta verba illa Pro-
pheta: præter aurum caritatis, in quo primò Lucifer
conditus est, concepit Gregorius Luciferum instar
lapidis pretiosi, in quo foramina quædam sint facta,
quibus filum auri inseratur, & affigatur vestimento
vñ cum aliis pretiosis lapidibus, huiusmodi autem
filum auri, quo Lucifer vñ cum aliis Angelis iustis-
foret inseruerans bona opera meritoria, & ca-
ritas perseuerans vsque ad terminum viæ: huius ca-
ritatis ait Gregorius Luciferum fuisse capacem, &
hanc non habuisse: & idè foramina illius fuisse va-
cuæ hac caritate.

ARTICVLVS IV.

Vtrum Angelus creatus suam beatitu-
dinem meruerit.

CONVENIVNT omnes, Angelum
suam meruisse beatitudinem, assevera-
rēque contrarium non solum temera-
rium, sed & pericolosum esset in fide.
Propter rationes namque, quas articulo præcedente
reddidimus, & alias ipsi melius, quam nobis no-
tas, merito constituit Deus, non aliter puris creatu-
ris, quam vñliberi arbitrij haberent, suam beatitudinem
conferre, quam ex propriis carum meritis
gratia ipsius suffulcis. Dixi, puris creaturis, propter
Christum Dominum, de quo tercia parte est dispu-
tandum, merueritne gloriam suæ proprieæ animæ.
Addidi, que vñliberi arbitrij, propter eos, qui ad
vñliberi arbitrij nō pertinent. Hi namque me-
ritis Christi, sibi per sacramenta applicatis, in vitam
æternam absque meritis propriis peruenire possunt.

Tota autem controvergia est, vtrum Angeli me-
ruerint suam beatitudinem, antequam eam conse-
querentur. Quidam (ni fallor propter Augustini
de cognitione matutina Angelorum, & propter alia
tam ipsius quam quorundam aliorum Parrum testi-
monia) arbitrii sunt, Angelos non habuisse grati-
am ante beatitudinem: & quia non datur meritum
vitæ æternæ sine gratia, in duas opiniones diuisi sunt.

Quidam eorum dixerunt, simul duratione Angelos
in instanti, in quo primò fuerunt beati, & suam pro-
meruisse beatitudinem, & fuisse beatos, sed prius na-
ture eam commeruisse, quam essent beatis: non secus
ac nos, cum à peccato resurgimus, simul duratione
suffulti auxilio diuino disponimus nos ad primam
gratiam, cùm consequimur, cùm tamē prius
natura nos ad eam disponamus, quam eam conse-
quamur. Alij verò dixerūt, Angelos per opera, quæ
erant exhibuti, quando in ministerio propter eos,
qui hæreditatem capiunt salutis, mitterentur, nō
que custodiunt, meruisse gloriam, consecutos esse
gratiā, atque ad eò præmium in eis fuisse ante meri-
tum: non secus ac quando miles accipit equum
aut arma, quibus militet, in præmium militia futu-
ra, præmium antecedens meritum.

Quo loco illud obiter admonuerim, cauendum
errorem Origenis honai. 20. & 24. in Numeros: &
13. & 35. in Lucam, quibus in locis affirmat, Ange-
los sanctos in nostram custodiam depūtatos non so-
lum mereri nos rite custodiendo, sed etiam deme-
ri, posseque peccare nos segniter custodiendo,
indéque

Origenis or-
nor canadu.

indéqué fore iudicandos, & hinc habere dependentiam, ut in futurum faciem Patris videant. Id namque vel est contra illud Matth. 18. *Angeli eorum semper vident faciem Patris mei*, vel certe contra rationem visionis beatifica, beatitudinisque Angelorum, qua non minus sempiterna est, quam nostra, postquam semel fuerit adepta. Vnde Augustinus in Enchiridio, cap. 57. Sed de illa, inquit, *Ecclesia, qua in cœlis est*, affirmare quid possumus, nisi quod nullus in ea malus est, nec quisquam deinceps de illa cecidit, aut casurus est, ex quo Deus Angelis peccantibus non pepercit. Et 11. de Cœnitate Dei, cap. 13. *Procul dubio*, inquit, multò durius nunc putare Angelos sanctos aeterni sue beatitudinis incertos, & ipsos de semetipsis ignorare, quod nos de illis per Scripturas sanctas nosse potuimus. Quis enim Catholicus Christianus ignorat, nullum nouum diabolum ex bonis Angelis viterius futurum? veritas quippe in Euangelio sancti fidelibus promittit, quod erunt *æquales Angelis Dei: quibus etiam promittit, quod ibunt in vitam eternam*. Porro autem si nos certi sumus, numquam nos ex illâ immortali felicitate casuros illi vero certi non sunt, iam potiores, non *æquales eis erimus*, sed quia nequaquam veritas fallit, & *æquales eis erimus*, profecto etiam ipsi certi sunt sue felicitatis aeterna. Et Fulgentius de fide ad Petrum 3. tomo operum Augustini: *Firmissimè tene, & nullatenus dubites, omnem creaturam naturaliter mutabilem à Deo incommutabiliter factam, nec tamen posse quenlibet sanitum Angelorum in deterius mutari, quia sic accepérant eternam beatitudinem, qua Deo stabiliter perfruuntur, ut ea carere non possint*. Errorem Origens videtur amplecti Hieronymus lib. 2. Comment. in Michæam in illa verba 6. cap. *Surge, contende iudicio aduersus montes*. Sextus Senensis lib. 5. Bibliotheca annotat. 126. Hieronymum excusare vult, quod ex aliorum sententia loquatur.

*Magistri opinio.
Suadetur à quibusdam primis.*

Priorem ex duabus sententiis relatis secutus est D. Thomas cum aliis in 2. dist. 5. quæst. 2. artic. 2. & quodlib. 9. artic. 8. sed eam hoc loci retractavit. Vide Capreolum in 2. dist. 5. q. 1. art. 1. concl. 2. Postremo vero secutus est Magister in 2. dist. 5. c. vlt. Neque eam reputat improbatum D. Bonaventura eadem dist. q. vlt. licet oppositum amplectatur. Quidam argumentantur pro opinione Magistri. Primo, quoniam Angeli per bona opera, quæ liberè nobis proper amorem Dei exhibent, aliquid merentur, sed non merentur præmium, quod de novo accipiunt, ergo præmium quod à principio accepérant.

Secundo, magnum præmium non datur nisi pro magnis & multis meritis: sed Angeli ante gloriam, nec magna, nec multa merita habuerunt: eo quod duratio, qua gloriam eorum antecessit, fuerit admodum breuis, & difficultas in operando nulla, cum ergo accepérant magnam gloriæ & præmium, consequens est ut eam non meruerint nisi per sequentia opera.

*Angeli prius duratio
beatitudinē meruerunt, quam eam finit
consecuta.*

Neutra harum duarum opinionum probatur à Doctoribus. Vnde merito communis eorum opinio est, Angeli prius duratione meruisse præmium & gloriam, & postea in termino viæ eam fuisse affercitos. Quæ sane opinio, & intellectu est facilis, & ratione consentanea: cōsonum quippe est, vt quemadmodum Deus vniuersique nostrum certum tempus viæ prescrivit, in cuius termino præmium aut pœnam pro meritis aut demeritis confert: sic quoque Angelis certum viæ prescribit spatium, quo finito, aut poena mulcet, aut præmio pro meritis eos asseret. Obferua vtramque opinionem ex mente ferè omnium suorum autòrum supponere, Angelos non fuisse conditos in gratia. Cum autem ar-

A ticulo præcedente contrarium ostendetimus, inde etiam vtraque euersa relinquuntur.

Posterior, quæ est Magistri, minùs probari solet à Doctoribus, quā prior. Primo, quoniam si per opera, quæ consequntur gloriam, merentur Angeli vita aeterna, cūm non minùs meritoria sint alia eorum opera (vt laudes, quas Deo liberè concidunt) pro his etiam vitam præmerentur aeternam: quare cūm hæc per totam aeternitatem sint multiplicanda, merentur præmium infinitum quod est absurdum. Secundò, qui neque damnatis pro malis operibus, quæ liberè præstabunt in perpetuū, vt pro blasphemis, &c. accrescit pœna, neque hominibus beatis gloria pro bonis operibus, quæ post gloriam ademptam similiter exercebunt liberè, eo quod sint iam extra viæ statum, ac proinde merendi & demerendi: alioquin, & illis gloria, & itis pœna accresceret sine ullo termino. Vnde Christus Ioan. 10. *Venit, inquit, nox quando nemo poterit operari*, quod scilicet in præmium cedat, eaque in fine viæ adueniente, reddetur denarius diurnus iis qui in vinea militantis Ecclesie laborarunt: ergo paratione Angeli sancti per opera bona, quæ post gloriam acceptam exhibebunt, nō merentur præmium essentiale. Hinc intelliges, priuilegium & miraculum fuisse in Christo, quod simili esset comprehensor & viator, vt redimere posset genus humani. Tertiò, quoniam si per bona opera prævisa præmerent possent gloriam, pari etiam ratione possent præmereri gratiam: vnde sequeretur, primam gratiam cadere sub merito, atque aedò gratia iam nō esset gratia, vt Paulus ad Rom. 11. argumentatur. Quare non satis tutam iudico eam sententiam. His accedit præmium sempiterna beatitudinis suæ natura, ac proinde de lege ordinaria subsequi meritum: cūm ergo nulla fuerit ratio, quare Angelis præmium ante meritorum Deus contulerit: sit, vt prius eos constituerit in via, & pro qualitate meritorum, quæ sua libertate in via compararunt, in termino illius affecterit eisdem præmio.

Priorem opinionem, licet minus ea à Doctoribus improbetur, quā posterior, certe non solum falsam, sed & parum tutam in fide esse arbitror: neque est eadem ratio, vt sicut ultima dispositio ad gratia coniuncta esse potest cum prima gratia in eodem temporis puncto: sed prius natura, quam gratia adsit: sic quoq; actus meritorius coniunctus esse possit in eodem temporis puncto cum visione beatifica, vt quæst. sequenti artic. 6. fier manifestum.

Ad primum ergo argumentum, quo opinio Magistri confirmabatur, neganda est maior, si sit sermo de præmio essentiali: sunt enim extra statum viæ, atque ad eum extra statum merendi & demerendi, eo quod nihil mali iam tūc efficere possint: sicut dñi, cūm sint extra viam, nihil boni moralis attingere possunt: quocirca beati illis operibus in eo statu non merentur præmium essentiale.

Atque hinc etiam soluitur argumentum illud, quod fit sumpta similitudine ex milite, cui ante militiam equus, aut arma tradūtur in præmium, ac præmium militum futura: huiusmodi namque præmium nihil pugnat cum merito futuro, nec ex natura rei illud impideat: præmium autem essentiale beatorum pugnat cum merito illius, quod fit post illud comparatum: eo quod ex natura rei constitutum cum, qui illud habet, extra viam, redditumque cum imponentem ad peccandum.

Ad secundum dicendum est, ad magnum præmium non tam requiri multa opera quam magnam gratiam Dei, & magnum conatum ac feruor in operando,

Nonnulli ho-
mines Ange-
li omnibus
premio ex-
cellunt.

operando, quæ duo Angeli habuerunt, & idcirco habita ratione gloria, quam sine propriis meritis pro magnitudine gratia gratis simul cum natura sibi donata acceperunt, uno aut paucis actibus, tam nobilibus quam Angeli pro nobilitate, virtusque sue nature elicere potuerunt, sine illa ex parte operis difficultate, mereri potuerunt plus præmij, quam nos multo pluribus actibus nostris mereamur. Non est tamen negandum, multis esse, ex hominibus iusti, qui in merito & præmio multos Angelos excedant, & aliquos esse inter eos, præfertim Dominam nostram, qui omnes excedant.

ARTICVLVS V.

Vtrum Angelus statim post unum actum meriti beatitudinem habuit.

Hic articulus commodius discutitur cum articulo questionis sequentis.

ARTICVLVS VI.

Vtrum Angelii sint consecuti gratiam, & gloriam secundum quantitatem suorum naturalium.

D.Thomæ
Magistri
sententia.

DIUS Thomas hoc loco, tamquam ratione magis consentaneum, affirmat cum Magistro in 2. dist. 3. Angelos, quod inter se sunt perfectiores naturæ, eo plus gratia & gloria fuisse consecutos. Tum quod ratione congruat, ut Deus quod perfectiores naturas Angelicas condebat, eo ad altiores gradus gratia & gloria, eas ordinauerit, atque adeo meritis maiorem copiam gratia perfectioribus, quam imperfectioribus, contulerit, D quando eas creavit, & maiora auxilia eis praestiverit, quibus ad maius deuenirent meritum. Tum etiam quoniam cum ad operandum nullum habent impedimentum, nihilque quod eas retardet, vt nos habemus partem sensitivam liberam nostrum arbitrium retardantem, rationi est consonum, vt Angeli per suum arbitrium operari fuerint toto conatu: quare cum perfectiores plus potuerint conati, intensiusque valuerint operari, meritum vero ex parte conatus, intentionis, & feruoris in operando augeatur: consequens est, vt rationi sit validum consonum, Angelos perfectiores in naturalibus plus meruisse, ad maioremque gratiam & gloriam pervenisse. In eadem sententia videtur fuisse Damascenus 2. lib. fidei orthodoxæ cap. 3. dum dixit: *Per Verbum Dei creati sunt Angelii, & per sanctificationem Spiritus sancti perfecti pro sua dignitate & ordinis ratione illuminationem & gratiam participantibus.*

Ilud admonerim, ex eo quod D. Thomas hoc loco doceat, Angelos quo perfectiores fuerunt naturæ, sed efficacius ad Deum fuisse conuersos, plurime gratis fuisse consecutos, non sequi illum existimat totam gratiam fuisse illis datum pro qualitate conuersonis, dependenterque à conuersione tamquam à dispositione ad primam gratiam: in gratia enim Angelis collata distinguenda est portio, quæ data est illis ex propriis meritis gratia diuina adiutis, tamquam augmentum gratia meritis gratis data: distinguenda etiam est alia portio illis omnino gratis data: non secus ac in nobis distinguuntur augmentum gratia, quod nobis datur ex nostris meritis, à prima gratia meritis gratis nobis collata.

Molina in D.Thom.

A Quando ergo D.Thomas doceat gratiam collatam illis fuisse pro quantitate conuersonis illorum in Deum, loquitur de prima illa portione gratiae, quam distinximus: non vero de secunda.

D.Thomæ
Magistri op-
tionem non
esse omnino
certam.

Illud etiam obserua, doctrinam hanc D. Thomæ, & Magistri non esse certam: natura namque humana ad altiorem gradum eleuata est in Christo & in Beata Virgine, quam natura Angelicæ, illis in naturalibus perfectiores sunt euctæ. *Nusquam Angelos apprehendit, sed semen Abraham apprehendit*, ait Paulus ad Hebreos 2. Præterea multi ex hominibus, vt Apostoli, martyres, & insignes Confessores, & ordinati sunt ad maiorem gratiam, & gloriam, quam multi Angeloram. Deinde quod ad secundum fundamentum D.Thomæ attinet, sicut Angelii perfectiores in naturalibus pro libertate sui arbitrij peccare potuerunt, & de facto quidam eorum peccaverunt: sic pro eadem libertate potuerunt remissiū operari, quam alijs inferiores in naturalibus, vel exercere se in operibus minoris meriti ex suo genere. Quod fit, vt de hac re nihil sit certum: tametsi probabilitate non careant fundamenta, quibus innexus est D.Thomas.

ARTICVLVS VII.

Vtrum in Angelis beatis remaneat cognitione naturalis.

GENCLVSTIO D. Thomæ est. In Angelis cum visione beatifica manet cognitione naturalis quam deo habent per suam substantiam, & per ceteras res creatas. Similiter cum dilectione supernaturali patriæ, manet dilectio naturalis. Ratio est, quoniam actus naturalis non repugnat supernaturali de eodem obiecto, quemadmodum actus fidei repugnat visioni beatifica propter inevidentiam: & idcirco licet actus fidei manere non possit cum visione beatifica, scientia tamen naturalis deo optimè potest manere. Verum de hac re tercia parte, cum de scientia animæ Christi, & de merito Christi fuerit iermo, erit disputandum.

Angelos una
cum visione
beatifica ha-
bere cogni-
tionem na-
turalis de Deo.

ARTICVLVS VIII.

Vtrum Angelus beatus peccare posset.

QUESTIONEM hanc discussimus de beatis 1.2. q.4.art. 4. nonnulla adieci- peccare non
mus q.10. art. 2. Faber Stapulensis in possunt.
lib. de triclini Magdalena, D. Thomam reprobatur, quod assertur Angelos non possunt peccare. Nam, inquit, Job cap. 4. habetur: *In Ange- li suis reperit prauitatem.* Hoc tamen testimonium intelligitur de Angelis dum erant in via, verumque est ratione dæmonum, qui corrueunt. Quod si Faber est arbitratus, Angelos beatos possunt adeptam beatitudinem posse re ipsa peccare, sanè grauiter erravit, ut art. 4. est ostensum.

ARTICVLVS IX.

Vtrum Angelus beatus in beatitudine possit proficere.

MAGISTER in 2. dist. 11. probabilitas existi- maut, Angelos usque ad diem iudicij in re falso Ma- merito, & beatitudine proficere. Con- gister senserit, tractari conclusionem statuit D. Thomas hoc loco:

Fff Angelos

Angeli qua-
portione gra-
tia habue-
rint sine pre-
mia dispositio-
ne, quam
sic.